

辜託長老入地眼全書序

同里茂才萬君仁邨好學士也自內艱服將闋
山計讀禮之暇究心地埋本之形得一山一址
參之河洛以妙其用非尋常言青烏者所能逮
庚辰余乞假南旋爲先大夫卜吉延至家甫一
歲以丁內艱服將闋欲閉戶爲舉子業遂辭去
余每購得一山一址猶資商確焉茲有託長老

地理全書之刻請余言長老生宋時扞葬建造迭著神異其遺趾猶有存者此編向無刻本傳寫數百年堪輿家秘如珍寶萬君得之梓以行世可謂公矣地理之說余素未研究不知是書之善然每見萬君適墓登壠考驗得失無差謬豈非遵守其說而有明效哉他日出所學以問世其樹立必有可觀吾以是編之刻信之矣時

而不靈者比使仁孝之儁不忍於薄其親者相度原野
有所依據而不至於眩惑其爲益也豈有涯哉他日樹
華得志科名快談纂述石渠芸閣之間必有鴻篇揚聲
儒雅而此書之梓亦足以見其存心矣建昌周兆熊臥
餘序

之類請余言長老生宋

其遺世猶有存者此

公在地理之

和氣

公在地理

公在地理

而此書之林亦足以見其

不辨志以公地始

河洲湖而不

而不

序

地理之說繁雜不一今與古殊甲與乙異同師之學或彼此各鳴其長一人之身或前後頓易其義善於立論者辭達而理未舉妙有心得者語晦而筆不靈理氣明晰未必貫穿形勢龍脉審辨甚且錯謬陰陽擅其長者了然於心目燦然於口舌矣又復吝惜珍秘移易顛倒使讀者茫然眩惑失所依據非有聰明才辨之實不能分別而決擇之也雖然儒者之言可以折衷是非晉之郭景純唐之卜則巍宋之蔡牧堂明之劉青田皆以儒

者而精地理者也以術士言之說或囿於俗以儒者言之藝可進於道也南昌萬子樹華識性爽朗曩從余遊講業論文之餘旁涉堪輿便有契悟篋中藏有宋託長老入地眼一書地無遁形理有實際異於世之愴恍支離其說者所謂釋其行而儒其言者長老有焉樹華不復吝惜珍秘梓而行世索序於余余老困名場疲事舉業窮愁所寄流覽葬經性之所欣時有創獲欲編輯一書融會眾說自愧不文而未果今得託長老所著諸家之言皆有所折衷雖其間有未雅馴而理舉辭達非晦

道光辛巳秋

誥授奉政大夫掌廣西道監察御史前翰林院
編修加三級範亭黃中模拜譔

蘇詩卷之三

集

蘇詩卷之三
蘇詩卷之三
蘇詩卷之三

八地眼全書目律

天星卷一

天星卦序

乾宮天星

乾龍法

亥宮天星

亥

龍法

壬宮天星

壬龍法

坎宮天星

坎龍法

癸宮天星

癸龍法

丑宮天星

丑龍法

艮宮

天星

艮龍法

寅宮天星

寅龍法

甲宮天星

甲龍法

震宮天星

震龍法

乙宮天星

乙

龍法

辰宮天星

辰龍法

巽宮天星

巽龍法

巳宮天星

巳龍法

丙宮天星

丙龍法

離

宮天星
天離龍法
丁宮天星
天丁龍法
未宮天

星
未龍法
天坤宮天星
天坤龍法
申宮天星

申龍法
天庚宮天星
庚龍法
天兌宮天星
兌龍

法
星辛宮天星
辛龍法
戌宮天星
戌龍法

龍法卷二
星
宮天星
龍法

龍說
龍法
天尋龍辨
帳辨
峽辨
貪狼木星

行龍
巨門土星行龍
祿存土星行龍
天文曲水

星行龍
廉貞火星行龍
武曲金星行龍
破軍

金星行龍
左輔金星行龍
右弼水星行龍
附

平洋論
平洋龍論

穴法卷三

穴法
點穴法
四落
四勢
五星九曜
怪穴

點法
四真三法
穴辨陰陽點法
作用
穴審

背面
穴辨真假
穴觀動靜生死
穴看明堂

穴看前後左右砂水
穴觀風水朝向
穴有吉凶

穴辨五星
穴觀前後左右砂應穴內等物
穴

有淺深葬法
穴辨土色
覆坎斷
墓不可亂改

砂法卷四

砂說 看砂法 砂法 撥砂要訣 三關一局訣

吊冲之法 暗生之法

砂法卷五

撥砂法 撥砂分金訣 撥砂分房分法 辨砂方

位大小高低 二十四山砂法 朝案砂 印砂

朱雀元武砂 青龍白虎砂 官鬼禽曜砂 應樂

砂 禽獸砂 星體砂

水法卷六

水說 水法 朝水局 橫水局 據水局 順水

局 無水局 水城詳義 辨干支 河圖生成篇

河圖四局 洛書生成篇 洛書四局 伏羲先

天八卦對待夫婦 文王後天八卦合十夫婦 納

甲歸元 渾天甲子 論祿馬貴人 三合局 黃

泉煞 桃花煞 羊刃水 三刑水 六害水 四

破水

水法卷七

水法 停基浮厝 風水問答 明堂水 天池水

合水口 水觀界送朝聚 向依水立 二十四山

合局破局九星斷語

向法卷八

立向法

翻卦法

黃石公翻卦掌訣

洛

書紫白掌訣

翻卦輔星向法

輔星翻卦掌訣

文王後天八卦水法

水法分房分圖

陰陽破局

理氣篇

分房分法

一宜立子向

一宜立午

向一宜立卯向

附論用羅經訣一篇

一宜立酉

向

陰宅圖向法卷九

陰宅圖說 納甲根源 先天四合局 後天四合

局 天干六合局 三合相生八合局 黃泉八煞

破局 破祿文廉煞破局 納甲八煞破局 三煞

會局煞破局 兩曜雙煞破局 四破桃花煞破局

陽宅說卷十

陽宅總論 游星 竹節貫井法 宮星生尅 方

位要訣 七政九曜之說 三元命訣 又捷訣

東西四命宅圖 灶法 偏氣致應 天井放水

元髓經

天書

東西四命字圖 卦書 賦原疑錄 天書

白要地 子知次觀之錄 三命命籍 又

圖字數論 然靈 卦書

測字書卷十八

會同

同

同

同

例言

一是書自宋迄今巨族大家抄寫成帙秘之已久或前後失次或散帙不全愚不揣固陋歷數寒暑留心彙正方成全集至間有欠雅馴處字字天真坦然明白故不敢妄爲刪易

一是書理透法巧言簡意賅其他書有相爲表裏者如賴之催官陳之撥砂吳之夾竹梅花葉之理氣三訣張陳之四彈子是也但諸家坊刻傳書不傳訣或且讀其書而不能用其書茲集條分縷晰妙諦俱現能

使閱者了然易于學習

一地理之書言巒頭者或遺理氣言理氣者又遺巒頭彼此偏勝多無應驗至於立向一法更未有詳言及者是編將龍穴砂水併向五字互相發明言巒頭卽兼講理氣言理氣卽帶講巒頭體用賅備洵爲全璧

一是書引用古經在他書或因奧語難明致有妄加批註強爲牽合者茲集證佐詳明見解獨出千古經意義無不透澈學者切勿以引用處多習見語視爲尋常坊本愚蓋逐字逐句細心體認每於巒頭合理氣

處尤多聞所未聞讀此真可力破羣疑

一是書已經考驗凡富貴名墓高山平洋無不符合况
長老手作甚多陰陽二宅經彼建造至今不替學者
試觀其巒頭作法再審其理氣應用方知此書神效
一是書宜先熟看巒頭然後細玩理氣蓋陰陽五行微
妙難言巒頭卽理氣之著也若舍巒頭而重理氣開
卷了然登山茫然便是屋裡先生惟深知巒頭又能
明理氣知所先後而技乃至於神

東田萬樹華仁村氏識

東田萬樹華二林尺端

一 門里爲映視失翁而姓四至無輒

卷下 總登由茲然財甚望野夫主耕新味繪與又誰

效聽言辯頭頭取尿之澤世昔舍懶而重與涼開

一 晏書宜尖無昏線驅燕并睡試與病藪創則至性難

結端其懶取對傲再審其取尿想尿內賦曲青輒效

一 刻沙牙利甚多創則二字雖如較數至令不替舉者

一 景書曰醫齊錄以富貴以舉高山平洋灘不荷合式

一 歐水邊問世未固請其展其代如羣銀 與合理氣

跋

曩爲先君謀窀穸日隨青烏家登山陟嶺足蹇甚比暮
孳先賢地理書剪燭讀之更闕燼落弗輟也如是者有
年然以所見証所讀率皆牽強附會遠於自然心竊疑
之東鄉徐壽山先生者積學士也遊庠序有聲家故豐
以葬父故絕意進取專攻堪輿藝然不屑以術鳴歲丁
卯來會城余獲從遊者七年旣爲余卜葬先君而余亦
追隨杖履口講指畫得以聞所未聞然後知山川河嶽
自有真性情剪裁作用自有真識力牽強附會無當也

既又得託長入地眼全書凡十卷書皆寫本秘弗傳伏
而誦之其旨宗河洛法用揆星於理氣爲神妙恍然如
披雲霧覩青天駭之故家巨族陰陽兩宅其盛衰隆替
罔不畢合向之竊竊然疑者至是不覺渙然冰釋也雖
然地理之學微矣余何人斯知識淺陋涯涘未窺敢竊
先賢緒餘哉且思獵取科名佔畢弗暇何暇及此第念
附於棺者必誠必信人子皆有是責則余曩所盡心力
而爲之諒必有同情者余旣獲是編何忍自秘爰付剞
劂用公同好或亦韓子所謂以之爲己順而祥以之爲

人愛而公者歟刻旣成述其緣起如此

道光元年歲次辛巳仲夏月望後五日南昌萬樹華仁
村氏謹跋于省垣之宗祠

...

...

...

...

...

...

...

...

...

...

入地限全書天星卷

宋南昌辜託長靜道和尚著

瀑泉袁泰開以樹庭黃中楷

雲門黃中植雷稔安袁豐年同參

理齋劉是訓恬真徐孝先

東田萬樹華仁村氏編次

胞姪萬士基德修校字

天星卦序

天尊地卑乾坤定矣卑高以陳貴賤位矣動靜有常剛

柔斷矣方以類聚物以羣分吉凶生矣在天成象在地
成形變化見矣是故剛柔相摩八卦相盪一陰一陽一
上一下一外一內或上臨下或下臨上變化而莫測是
以鼓之以雷霆潤之以風雨一寒一暑日月光明運化
不已故乾健也坤順也震動也巽入也坎陷也離麗也
艮止也兌說也是故雷以動之風以散之雨以潤之日
以暄之艮以止之兌以說之乾以君之坤以藏之乾道
成男坤道成女乾知大始坤作成物乾以易知坤以簡
能易則易知簡則易從易知則有親易從則有功有親

則可久有功則可大可久則賢人之德可大則賢人之
業易簡而天地之理得矣天地之理得而成位乎其中
矣蓋天晝夜旋轉而不停日月五星隨之天帝順行十
二宮布四時之令太陽逆行十二宮宣八節之功是以
八卦陰陽變動應四時八節交會於天地矣太寒天帝
在丑太陽臨子交會於子丑之間故子與丑合萬物成
終成始易曰成言乎艮雨水天帝到寅大陽在亥寅亥
交會故寅與亥合丑寅輔艮東北之卦也春分天帝臨
卯太陽在戌故卯與戌合卯戌交會甲乙輔震正春之

令也萬物發生易曰帝出乎震谷雨天帝在辰太陽到
酉故辰與酉合辰酉交會萬物潔齊易曰齊乎巽小滿
天帝到巳太陽在申巳與申合申巳交會辰巳輔巽東
南之卦也夏至天帝到午太陽臨未故午與未合午未
交會丙丁輔離正夏之令萬物皆茂易曰相見乎離大
暑天帝在未太陽居午午未交會萬物致養易曰致役
乎坤處暑天帝到申太陽到巳申巳交會申未輔坤西
南之卦也秋分天帝到酉太陽在辰酉辰交會庚辛輔
兌正秋之令萬物悅成易曰悅言乎兌霜降天帝到戌

太陽居卯戌卯交會陰陽相薄易曰戰乎乾小雪天帝
在亥太陽在寅亥寅交會戌亥輔乾西北之卦也冬至
天帝回歸北極入於垣太陽復命告功壬癸輔子正冬
之令也萬物歸藏易曰勞乎坎夫由出而齊而相見帝
之鼓乎出機也而成由入以向乎出焉起震終艮一歲
之終也而循環之妙在中矣

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

乾宮天星

易曰乾道行健元亨利貞其性燥急陽之亢也位居西北乾以君之六子皆統攝而分職以聽又孰翁受時令於冬曰戰乎乾陰陽相薄肅殺相攻卽純陽尅陰也霜降天帝到戌太陽居卯戌卯交會陰陽相薄易曰戰乎乾小雪天帝在亥太陽到寅亥寅交會戌亥輔乾西北之卦天星曰陽機又曰天機奎宿十六星赤居其所今五星聚奎則天下世盛文明又曰封豕主文章之府又主天子武庫故主兵權所以禁暴橫行又主溝瀆其星

下九尺乃日月五星之中道乾在天皇之左是以聖人
畫卦以乾爲八卦之首爲天爲父爲龍爲馬故天地萬
物亦以乾爲首乾三爻俱陽萬物資始坤三爻俱陰萬
物資生是以聖人以乾坤爲天地定位地理家用之爲
權衡

乾龍法

凡乾龍起祖卓立雲霄如龍樓鳳閣者出脉過峽起伏
盤旋佈氣行度到頭結穴與眾不同其龍不可與亥同
行亥乃龍之曜鬼先賢所忌切宜詳細若得單清過脉

地局端正砂水全備爲龍之上格若得主星高聳功垂社稷澤及生民恩榮奕世中格龍結穴者翰院聲價日近天顏下格龍結穴者亦發科甲巨富人丁若得殿上貴人者聚氣火星也上格龍主出將人相大有功勳名聞四海中格龍結地者主尙書侍從翰院榮封下格龍結地者主科第大富或火星變土結穴者產狀元宰輔或木星結者出尙書侍郎或金星結者主科甲屏翰水星結者定出翰林學士土星結者主科貢秀士百萬之庄富壓一郡 總看龍之強弱穴之有無砂之拱峙水

之澄清案之朝拱五種俱備方爲是地而有缺陷便是
鬼氣庸師到此歡天喜地假者好看真者天秘明師到
此圓規方矩自有道理有惠之家遇著此地無德之家
反是掏氣

亥宮天星

易曰亥乃屬木西北之隅納卦於震地支之十有二數
木之長生位時令於冬太陽京直到亥白露到巳向天
帝小雪到亥山天星曰天皇壁宿二星一東一壁其名
東壁二星赤居其所下九星尺爲天之中道主文章圖

書之秘府也又主土工明則圖書集道術行小人退君子進天下士子多賢良世上詩翁賽謫仙

生辰亥龍法

易曰亥在天門之左紫微傍照之所天極太乙常居也木之長生又得天皇之星下照亥地若亥龍起祖單清過脉爲龍之上吉凡亥龍過峽出脉到頭結穴束咽處必須要一亥字到頭結穴者爲吉二十四龍惟有五龍難下一亥龍左乾右壬一辛龍左酉右戌一午龍左丙右丁一巽龍左辰右巳一卯龍左甲右乙此五龍陰陽

駁雜兼帶煞氣若得單清過脉發福更大更悠久不但
來龍如此五向必作正向方得房分不偏而若兼左兼
右則三房受害無三則二房受害矣凡亥龍起祖由旋
入艮結穴者定主科甲及第富貴顯耀若卯龍起祖入
丙轉亥結穴者主文武雙全宰輔三公如兌龍起祖轉
丙入庚結穴者主巨富又主翰苑才名如正亥結穴者
主科甲連綿官居台閣

壬宮天星

易曰壬屬北方陽水納卦於離爲天干之九數故卜易

曰離火己卯己酉親己壬二于隸離時令仲冬太陽雨
水到壬山處暑到丙向天帝大暑到壬山天星曰陰權
室宿二星赤居其所爲太廟天子之官也又爲元宮一
曰清廟又爲軍糧之府又土工事其下九天爲日月五
星之中道士一星爲天子宮下一廟爲大廟故羽林以
衛之將有土工之事占於營室其星明正則國昌文明
四海不明則鬼神不享祭祀天下多生疾疫
退星壬龍法
紫微帝座一白星傍照壬地又得四輔六相左右輔之

爲龍之上吉其龍不可與亥同行謂之龍身帶曜先賢
所忌切宜詳細若乾龍起祖由坤入午正出面結穴者
定主科甲翰苑官居極品如坎龍起祖由甲出乙轉壬
結穴者主富貴全科甲聯登若午龍起祖入坤轉乙
向甲結穴者主巨富田聯阡陌官居台省

坎宮天星

易曰坎陷也習坎有孚維心亨行有尙位居正北雨以
潤之而枯槁滋息時令仲冬日勞乎坎以終歲勤動慰
勞於斯一陽藏蓄而休息也冬至天帝回歸北極於子

垣太陽復命告功於丑所壬癸輔子坎正冬之令也萬物歸藏帝旣慰勞而一元告成易曰勞乎坎天星曰陽光虛危二宿二星赤居其所家宰之象主北方城邑廟堂祭祀之事又主風雲死喪哭泣下九尺是日月五星之中道其星明大則天下安泰又危宿三星赤亦居其所爲天府一曰天市又曰架屋爲天廟堂下九尺爲日月五星之中道主架屋受藏風雨墓墳祠禮亦爲家宰之官主天下五穀豐稔以象海涵珠滋萬物之所一白正臨九紫對照八白居左六白居右兩相輔佐天帝成

始之宮也

評坎龍

凡坎龍起祖骨脉分明地局端正到頭結穴者爲龍之上吉若轉坤龍結穴者定主雙生之兒富貴可許如旋申起勢轉正坎出面結者亦主科甲富貴又有翻身逆勢旋申由午結回龍顧祖必得局法端正砂水秀麗定主翰苑才名日近天顏富而好禮又主雙生之兒又生六指之人如壬癸起祖旋申八辰轉乙出面者主產武畧將帥之職英俊雄偉之才若巽山起祖由坎出面結

者主生雙女兌龍亦同主家財消敗
易曰癸宮天星

易曰癸屬北方之陰水納卦於坎爲天干之十數故卜
易曰坎水戊寅外戊申癸戊二千隸坎時令仲冬之未
大陽大寒到山大暑到向天帝小寒到山天星曰陰光
女宿四星赤居其所爲天之少府掌管書機又爲須女
賤妾之稱婦職之小也主布帛裁製嫁娶下九尺爲日
月五星之中道其星明則文士現五谷豐女工昌府庫

充

癸龍法

凡癸龍起祖旋申入辰轉乙出面結穴者主生英雄豪傑才堪將帥如旋申起勢轉正坎出面結者主科甲富貴若轉坤龍結穴者富貴雙全如翻身逆勢旋申由午結回龍顧祖定主科甲翰苑又主雙生之兒六指之人與坎宮同推

丑宮天星

易曰丑屬陰土東北之界納甲於兌金庫于丑地支之二數時令季冬太陽小寒到丑山小暑到未向天帝大

寒到丑山天星曰金牛又曰斗牛牛宿六星赤居其所
爲天之關梁主犧牲之事日月五星貫之爲中道上二
星主道路次一星主關梁又次二星主南夷其上二星
一曰積路一曰積火主道路中間一大星主關梁牛馬
次下三星主南越星明大則王道昌天下安牛馬廣不
明則牛馬瘟疫西人與誠穴皆主降甲與到其根火用
大列丑龍法而誠穴皆主氣文短金木之
易曰丑居東北以八白金貪狼一星在紫微之北下
照丑地在天爲四金在時爲四季然天市垣中天機一

星傍照丑地故丑龍起祖骨脉分明爲龍之上吉定產

富貴之人其龍不可與癸同行切宜詳細如兌龍起祖

入艮由震出面結穴者主產文武全才之士威鎮邊夷

若艮龍起祖由丙入庚結穴者主科甲奕世丁財大旺

若亥龍起祖入艮轉未結穴者主大富乃得牛羊發家

艮宮天星

水火主巽中開一大星主關眾中

易曰艮止也艮其背不獲其身行其庭不見其人無咎
位居東北艮以止之而生意收斂于不過時令於春日
成言乎艮生尅嗣續成終開始則一陽凝止於外而爲

之有待也此帝之無爲而爲不爲也天寒天帝司丑太陽臨子交會于子丑之間萬物成終成始太陽逆行天帝順行故丑寅輔艮艮得上爻一陽初生故春之時令得艮之陽爻而發天星曰陽機又曰陽樞斗宿大星赤居其所爲天廟也五星貫其中爲日月之正道五帝坐其宮天市垣中其星最明赤者主之天市全貨之府爲丞相太宰之位酌量政事之宜褒進賢良永受爵祿南二星魁天梁也中央二星天相也北二星天府庭也亦爲受命之期將有天子之事占于南斗其魁第一星主

吳第二星主會稽第三星主丹陽第四星主豫章第五
星主廬江第六星主江州六星欲其均明則天下安泰
風雨順時君民安康五穀豐熟其官良龍法中其星最明者主天下富貴也
凡良龍起祖卓拔高拱如華蓋如文筆如玉印如武金
如貪狼華蓋者蓋下出水星如此出脉過峽一起一伏
一灣一曲起伏盤旋到頭結穴者爲龍之上吉其龍不
可與寅同行謂之八煞龍切宜詳細先賢所忌若得單
清過脉地局端正砂水全備主星拱峙者爲龍之最吉

者如華蓋下出脉有木星結穴者主出侍郎尙書之
官中格龍主出科甲翰林下格龍主科貢秀士如文星
上木下水結穴者上格龍主文章顯達職兼文武中格
龍主科甲道院下格龍主科貢人才如玉印方正之山
小土星出脉結穴者上格龍主科名高顯爵祿萬鍾中
格龍主腰金五馬下格龍主富出重義之人如武金者
其星雄偉體勢尊嚴故謂之武卽獻天金雲中金出脉
結穴者上格龍主出大將征伐邊境名傳四海中格龍
主田聯阡陌出臺鎮閩府下格龍主巨富主出蠢俗燥

烈之人如華蓋蓋下有木星而出結穴者上格龍主翰

林臬台中格龍主尚書侍從下格龍主科甲府道如金

星結者主科甲屏翰大發文章如木星結者主臬台開

府如水星結者主出科貢秀士如火星結者主生燥烈

之人如土星結者主巨富

寅宮天星

易曰寅屬東北之陽木納卦於離地支之三數火土之

長生位時令于春太陽大雪到寅芒種到申向天帝雨

水到寅山天星曰天培又曰功曹箕宿四星赤居其所

箕爲天津又爲後宮后妃之府上六尺爲日月五星之中道若五星臨箕壁參軫四宮則風雨驟至纏度不開則久雨不晴又主口舌之神前三星爲舌端動則大風不出三日卽應其星明則五穀熟其星赤則大旱星赤

寅龍法

寅乃天培所居之位又得貪狼天樞二星下照寅地北斗之天柱八白之傍照爲龍之上吉者也其龍不可與艮同行謂之八曜行龍先賢所忌切宜詳細若坤乙二龍起祖由坎入離結穴者定產富貴顯宦之人若乾龍

起祖轉坎入乙結穴者主發富貴出顯宦如離龍起祖
由壬轉寅正出結穴者主離鄉發貴宜精驗卦氣也

甲宮天星

易曰甲屬東方陽木納卦於乾爲天干之首故卜易曰
乾金甲子外壬午時令仲春驚蟄節二月也天帝司甲
太陽臨亥八月太陽到庚向天星曰陰機尾宿九星赤
居其所后妃之府北一丈爲天之中道室宿尾宿二星
是九子星也其星明大則主壬甲二方墳塋多子孫

甲龍法

易曰甲陽木納卦於乾天干之陽木帝宿初出北斗
五權星下照其旁主文章之府宰相之宮凡甲龍起祖
單清過脉地局端正砂水全備正出面者爲龍之上吉
若乾龍起祖由坤轉乙正甲出面結穴者定主少年科
甲蜚聲魁第若坤龍起祖入坎轉寅結穴者主產文武
雙全之士科甲才名之貴若午龍起祖轉乾入坎由辰
出脉結穴者產狀元宰相出主侯太尉之官若坎龍起
祖由坤入癸轉申結穴者主大富小貴人丁不旺多主
女貴

震宮天星

易曰震動也震亨震來虩虩笑言啞啞震驚百里不喪
匕鬯位居正東雷以動之發其生意易曰帝出乎震而
陽始而氣機於是萌動焉時令正春春分天帝到卯太
陽在戌卯戌交會故卯與戌合甲乙輔震正春之令也
萬物發生故曰帝出乎震天星曰陽衡又曰天衝天命
氏宿四星赤居其所是天子休解之宿宮后妃之府又
爲天根下五尺爲日月五星之中道其星明則君臣百
姓共享太平房星四星赤居其所爲明堂天子布政之

宮也又爲四輔又爲天駟又爲天馬主車駕主武大將
軍之位掌管衆兵三軍號令其星明大則天下太平人
民樂業乃乾坤之長子得天地之正氣天帝火星主宰
輔帝乃震也爲廉貞皆從日之方升帝出得一陽初生

震龍法

凡震龍起祖出脉過峽地局端正震龍行度骨脉分明
火星結穴者主產文武全才三公將相之人若廉貞起
祖四神拱峙震山出面庚水朝來定產燥烈之人必爲
上將斬砍自伏武鎮邊夸如艮龍起祖出面由亥入庚

骨脉分明地局端正結穴者主產文武定出賢士若亥
龍起祖一峯獨出由丙入艮出脉結穴者定出科甲翰
苑才名之貴震龍出脉左不可兼甲右不可兼乙甲納
於乾爲孤乙納於坤爲虛震爲坤之八煞惡人來了是
以甲孤乙虛帶乾坤龜甲之氣必主滅門絕戶古云陰
陽相乘禍咎踵門 言龍不可陰陽雙來故禍咎踵門
切宜慎之如卯龍不可兼甲乙之類 陰陽相配福祿
永貞 言水與向宜陰陽相配如坤水來立乾向乾水
來立坤向巽水來立卯向卯水來立巽向寅水來立子

向子水來立寅向酉水來立艮向艮水來立酉向此陰
陽相配之法老父配老母長男配長女中男配中女少
男配少女此水配向是八卦夫婦相配法水是生成向
是人立是以立向有轉移之巧乾坤老父老母是八十
之數震巽長男長女是六十之數坎離中男中女是四
十之數艮兌少男少女是二十之數數者壽也所云艮
龍西水立丙向少年科甲顯文章又云巽水滔滔走入
庚震龍未向狀元生故陰陽相配福祿永貞亦是天地
生成向是先賢傳度可知矣這等看來雙山長生水法

全不用了長生水法世人未索其解半假半真其法謂之左右旋左水到右爲甲庚丙壬四陽局甲木生在亥丙火生寅庚金生在巳壬水長生在申如亥水來立甲向未水去爲歸墓而不在未上去則又曰水出辰巽是衰方曰惟有衰方可去來謂之甲木局若依八卦水法算犯祿存水上堂祿存一名孤曜一名絕體不吉明矣又寅甲水來作火局立丙向丙火生在寅水出戌而不能出戌者則曰出未坤是衰方依八卦水法寅是廉貞甲是破軍必主癆病惡疾人命官事家財不了官事不

休偽書云亥龍丙向夾蛇扞富貴旺牛田寅甲水來逐
穿紅并著綠庸師一見亥龍入首寅甲水來就言此四
句俗話殊不知賣盡牛田惡疾染身身上紅紅綠綠果
如穿紅著綠的郎君一世也不脫下除死方休又巳水
來作庚金局立庚向庚金生在巳水出丑此局爲後天
夫婦相配則上吉而若放戌乾衰方水則重妻瞽目不
吉矣又申水來作壬水局立壬向壬水生申水出辰
則大富大貴之局此水不可出衰方丑艮水一去則主
乞丐出僧道又有右水到左爲乙丁辛癸四陰局乙木

生在午丁火生在酉辛金生在子癸水生在卯如午水
來立乙向爲乙木生在午水出戌而不能出戌子水去
爲病水去最妙若出衰方則不吉矣謂之吉地葬凶反
生禍矣酉水來立丁向爲丁火生在酉水出丑上吉丁
納于兌爲納甲水最秀主少年發達男清女秀若放辰
水去則不吉矣主投河自縊缺唇露齒子水來立辛向
爲辛金生在子水出辰則不吉子坎卦坎爲中男四十
歲辛巽卦巽爲長女六十歲四十歲男子娶六十歲婦
人有生育乎無生育乎子水來破了陰局子爲沐浴之

水又爲軍盜之水主男爲盜女爲娼說也嚇人若水出未方則二房有救了辛巽卦巽爲風爲長女未震卦震爲雷爲長男得夫婦相配之義又得雷風相薄之局則主丁財大旺富貴綿遠若論歸藏一事全在一局見陽水來陽水去立陽向陰水來陰水去立陰向則萬無一失雖無龍與穴却無禍到也平安而癸水生在卯者與此同推可恨呂才作銅函經用此雙山五行將來日後預習成風不知要害幾多良民則知其心大不良也雖奉上諭欲害蠻夷古語云害人終害己殺人一萬自損

三千又標出歌句以哄人乙丙交而趨戊辛壬會而聚
辰斗牛納庚丁之氣金羊收癸甲之靈詞句雖好讀則
甘甘有味這多書駝子習地者無一人不遵其法貧納
力止不聽苦口逆耳無奈我和尙學問不佳眼精又瞎
文理不通叫貧納那裡去講起是以只得各從天命事
且由他

乙宮天星

易曰乙屬東方之陰木乙納於坤爲天子之二數故卜
易曰坤上乙未癸丑憑乙癸二千隸坤時令仲季之間

太陽霜降到乙山谷雨到辛向天帝清明到乙山天星
曰天官氏宿四星赤居其所爲天子休解之宿宮后妃
之府也前二星大主后妃後二星小主妾媵又爲天根
下二尺五寸爲日月五星之中道其星明則后妃奉君
命天下綿花熟苧布廣賢女多貞來當官第一二三人
女貴乙龍法法法法法法法法法法法法法法法法法法
易曰太乙一星赤在右陽衡一星赤在左二星夾輔下
照乙地其星在紫微之北下照先天之坤凡乙龍起祖
骨脉分明地局端正單清過脉爲龍之上吉其龍入脉

必須單乙切不可相兼左是卯右是辰卯爲八煞辰亦
然也若得坤龍起祖由坎入離結穴者定主科甲名利
雙全得乾龍起祖入甲轉壬結穴者主官居極品又主
女貴若子龍起祖由午入甲結穴者主丁財大旺富貴
綿遠坤龍入穴辛山乙向乙水朝來催官第一壬龍入
首乙水來坤向當朝宰相

辰宮天星

易曰辰屬陽土居東南之界納甲於坎地支之五數時
令季春太陽寒露到辰清明到戌向天帝谷雨到辰山

天星曰天罡又曰亢金亢宿四星赤居其所是日月之中道爲天府天子之內朝總理天下卿大夫之治猶尙書也亦爲疏廟又主疾疫其星明則卿大夫清正賢士加爵士庶樂業疾病無

辰龍法

易曰辰在地支五位之尊天罡所治之宮太乙傍照之所又得亢金一星下照辰地辰屬龍亢金亦龍也故辰龍過峽必結大地凡辰龍起祖必踴躍而來大開帳幙起勢跌峽大頓小伏一行數百里方結一穴小則數十

里極小者數里兩旁分枝開極不計其數今以小者言之辰龍出脉起伏盤旋入甲轉乾結穴者爲龍之上吉主產狀元出宰輔如乾龍起祖由坤入甲結穴者主科甲翰苑官居開府若坤龍起祖由乾入甲轉乙出面結穴者主大富大貴人興位顯 凡結大地必是辰戌丑未四龍所有辰戌丑未四龍出脉必是榦龍不信看京都省郡州城府縣所結之處皆是辰戌丑未之龍所結方知辰戌丑未四龍爲大龍不知是何人將此爲墓龍而輕之

巽宮天星

易曰巽入也小亨利有攸往利見大人位居東南風以
散之解其鬱結生萬物之功也時令于夏曰巽齊乎巽
一陰順二陽并行出整齊而氣俱均布谷雨天星在辰
太陽到酉故辰與酉合辰酉交會萬物潔齊易曰齊乎
巽小滿天帝到巳太陽在申故巳與申合申巳交會辰
巳輔巽東南之卦也天星曰陽璣又曰天乙角宿二星
赤居其所主造化萬物布君威信爲天關其門爲天門
其內又爲天庭故黃道徑其中七曜之所行也其星明

大則貴人出天下安泰

巽龍法

凡巽龍起祖一峯獨出或雙峯拱峙卓立雲霄如雙薦者或帳下貴人或蛾眉鳳輦如玉圭鏡臺一切等龍出脉布氣行度過峽起伏屈曲盤旋結穴者爲龍之上吉其龍不可與辰同行謂之龍身帶煞先賢所忌大不祥也此八煞之外之八煞也若龍身兼巳亦不可用皆宜詳細巽龍左是辰右是巳巳納卦之八煞辰卦外之八煞故不吉世人未索其解故不知之正五行辰屬土巽

屬木木尅土爲煞已納於兌兌屬雞巽忌雞凡遇此等
雙行之龍縱好美地不能獲福往古塚間考證方知道
藝未精有等庸師不知此理與人安葬曰好個倉板水
在面前立乾山巽向兼戌辰或曰兼亥巳包管發財殊
不知面前倉板水是兩股煞水流來則三房先害先絕
次絕二房再次絕長房若龍真力飽氣旺則二房不絕
雖有子孫却主貧窮徹骨豈非巽巳雙流水尅水何能
一勾救貧哉又云巽向辰水主文曲遊蕩無依絕人丁
巽水來爲水尅向巽水去爲向尅水又云山向尅水禍

遲緩水尅向重禍速來這等看來龍也絕人水也絕人
水關禍福更速若論乾山巽向地必須作正向左不可
兼辰右不可兼巳庸師不知天星理氣原是亂來庸師
不知就是作書者能有幾人有等俗師見有正向者曰
落了空坐了戊巳煞不能管事獨不知古來明師與人
卜一地獨向者廣多房房均勻家家獲福請往古塚間
考驗方進學問巽爲天帝文章之府居河洛四龍之
貴爲龍之上吉若兌上起祖由丙入丁轉辛入亥往巽
出面者骨脉分明地局端正上格主產公卿之職文秀

之士金玉之貴又產大富之人如震山起祖由庚結穴
如帳下貴人出脉者入艮由巽到頭八將峙立四神高
聳朝與巽山齊雲雙峯侵漢龍真局正定主出將入相
如只一峯獨出亦出狀元小可峯巒亦出叅軍司戶經
畧之士一峯秀出一登科雙峯拱峙同科舉低員方正
錢無數蛾眉山現女爲妃六秀中獨巽山宜高不宜低
及凹風射穴又不宜朝流而去主人亡財散殺戮之事
雖龍真局正犯此水者亦不可用或轉丙向立別向乃
可在乎活法否則必敗切宜詳細

巽山無足不堪行惟向蛇頭斬脚筋辰龍惟怕兼巽走
巳山不要巽同行孫臧家祖塋巽巳雙來龍脉故別足

巳宮天星

易曰巳乃屬火居東南之界納卦於兌地支之六數金
之長生位時令於夏太陽白露到巳京直到亥向天帝
小滿到巳山天星曰天屏軫宿四星赤居其所其四星
爲天之四輔又爲冢宰又爲輔臣主察殃害之事又主
車騎任載賊盜征伐喪事輟輔亦主風雨軫乃水星也
北上五尺爲日月五星之中道其星明則天下安康萬

民和樂風調雨順賢人叠出

貞正巳龍法

其基地大限

其地

易曰巳得天屏之星在紫微之東雖不合河洛之貴天帝照臨又是金之長生地中之福德可謂上吉其龍行度骨脉分明地局端正爲龍之上吉其龍不可與巽同行謂之曜鬼帶煞先賢所忌切宜詳細若卯龍起祖由亥入艮結穴者主出科甲及第產巨富之人如艮龍起祖入亥轉卯結穴者主出文武全才之士腰懸金印如亥龍起祖由艮轉卯結穴者定出富貴雙全田聯阡陌

易曰丙屬南方陽火丙納於艮爲天子之三數故卜易
曰艮土丙辰外丙戌時令仲夏五月芒種天帝到丙太
陽在申七月處暑太陽到丙山正月雨水太陽到壬向
天星曰陰樞又曰赦文翌宿二十二星赤居其所爲天
子之樂府主徘徊嬉樂文物聲名之所又主太廟三公
化道文籍及蠻夷遠客四海之濱北上十有三尺爲日
月五星之中道其星明大則君明臣賢禮樂興四夷來

賓

丙龍法

丙居離明之府九紫傍照之官大微垣一星下照丙地
凡丙龍起祖骨脉分明單清過脉地局端正爲龍之上
吉其龍不可與午同行乃廉貞火龍定主火災兼巳亦
可定產大富貴之人艮龍起祖由兌入丁轉亥結穴者
定主翰苑才高省台官貴如辛龍起祖由亥入兌轉入
丁結穴者主富貴雙全尙書侍從若卯龍起祖入艮由
亥轉巽結穴者主武全才之士出將入相之貴

離宮天星

曰離麗也利貞亨畜牝牛位居正南日以暄之而陰
濕燥長物之功也時令正夏易曰相見乎離一陰在中
二陽外熾化機宜暑而萬物光輝相見之後必有委而
養之者夏至天帝到午太陽在未故午與未合丙丁輔
離正夏之令萬物皆茂易曰相見乎離天星曰太陽又
曰陽權星宿七星赤居其所又曰天都爲朱雀文明之
粹羽儀之所主衣裳文繡又主盜賊其星明則天下大
豐年張宿六星赤亦居其所主珠寶金玉宇宙所用之
物天子內宮衣服收藏貢物之庫又主厨飲食賞賚之

事師惡人其效且由草木皆然也收錄喜知疑難與意

離龍結穴法附卦圖

凡離龍起祖起伏之元屈曲而來星體端正骨脉分明到頭結穴者爲龍之上吉主科甲王侯之地其龍不可與丙同來是廉貞雙行主火災先賢所忌切宜詳細若壬龍起頂出脉過峽結者主出科甲翰林侍郎學士子癸二龍或由甲入坤轉坎正出面結穴者主公卿宰相如坤龍入坎向甲正出面結穴者主出翰苑才名富貴雙全艮龍一變坤爲貪狼坎爲巨門兌爲祿存震爲

文曲離爲廉貞離龍一變震爲貪狼兌爲巨門坎爲祿
存坤爲文曲艮爲廉貞丙納於艮故丙午二龍不可雙
行是爲廉貞火龍此必要用制之之法火絕於亥乾屬
金金能生水一屬水壬亦屬水南方之丙火北方之壬
水壬水尅丙火亥水尅午火二水制二火故天地陰陽
各各不同生尅制化各有所喜所忌如人亦有相喜相
惡者相喜者孝順至誠和睦親隣相惡者謀財害命行
兇叛逆是以亦有制化聖人設禮義以化民心設王法
以制惡人是故昆虫草木皆然也如蛇喜蝦蟆蝦蟆喜

蜒蜒喜蜈蚣蜈蚣喜蛇蛇畏蜈蚣蜈蚣畏蜒蜒
蜒畏蝦蟆蝦蟆畏蛇此四虫若遇在一處則俱不敢相
持而不分開則四虫俱死一處如醫家用藥藥有君臣
佐使此相喜者也亦有相畏相反者此相惡者也世上
萬物各有制化天地日月五行相生相尅皆一理也如
山川巒頭皆以分金坐度爲主遇難生恩化煞生權全
在理氣上功夫活潑潑而取用

大易下宮天星
易曰下屬南方之陰火納卦於兌爲天干之四數故卜

易曰兌金丁巳外丁亥丁干隸兌時令仲夏之末太陽
大暑到丁山大寒到癸向天帝小暑到丁山天星曰南
極又曰陰闔柳宿八星赤居其所主人福壽又主文章
大會爲朱雀嚆一曰天相一曰天庫天之厨也主御膳
飲食倉庫酒醋之位又主雷雨工匠其北六尺爲日月
五星之中道其星明大則人壽年豐酒食昇平

丁龍法

易曰丁寄離明之位九紫帝星傍照之所天子之次南
極老人一星下照丁地凡丁龍起祖骨脉分明地局端

正起伏而來到頭結穴者爲龍之上吉產文武全才之
士富貴清高之人若兌龍由亥入艮出面結穴者主王
侯廟食與國爲姻丙龍起祖入艮轉下結穴者定主才
高北斗翰苑官貴丙龍轉丁丁龍轉丙爲赦文龍丙丁
二砂起爲赦文砂丙水朝丁丁水朝丙爲赦文水主家
無凶禍犯罪卽赦丙水朝丁丁水朝丙爲赦文水主家
未宮天星丙水朝丁丁水朝丙爲赦文水主家

易曰未乃屬陰土西南之界納甲於震木庫於未地支
之八數時令季秋太陽小暑到未小雪到丑向天帝大

暑到未山天星曰金羊又曰鬼氣鬼宿四星赤居其所
其四星占四角中央一星現而不現主文魁管天下士
子之陰德其星明則陰德星掌管陰德簿凡人每日有
德行卽記之其星氣白如粉絮似雲非雲似星非星見
其氣而已世有士子科場有中而不中者人言是命非
也乃德行不能也其四星主視明察奸謀天之目也爲
日月五星之中道一曰天廟主祠祀又主疾病死亡東
北一星主精馬東南一星主精兵西南一星主精布西
北一星主精金德滿者以金賞之半德者以布賞之勞

多者以馬乘之孽多者以兵誅之

未龍法

易曰未乃鬼金之所然得南極老人一星下照未地又羽林太常在傍以輔之若未龍出脉起伏盤旋正面結穴者爲龍之上吉其龍不可與坤同行謂龍身帶曜切宜詳細若巽龍起祖入辛轉艮結穴者主出科甲官居得祿如卯龍入穴作甲山庚向者未水來雷擊而興未水去雷擊而敗非但卯龍未水未龍卯水亦然艮龍起祖由亥入未結穴者主巨富不大貴如兌龍起祖入丁

轉丙結穴者主翰苑人財大旺少年發達爲官清正

卯龍未水雷擊未水來雷擊而興未水去雷擊而敗卯龍未水而庚向則擊酉向則不擊非但擊坎如石山亦擊何故石乃龍之骨生成在山數千年而不擊獨今日擊之何也其山來後有一節亦卯方過來其山面亦朝西數千年不擊原無未水今西南未水或山崩倒或水消破成一小濱故有凹缺成其未水之勢故雷擊之如不信請往雷擊之處驗之人有信命而不信地者聖人亦言有命但命是後天地是先天先有地而後有命生

出富貴貧賤壽夭窮通皆不出此範圍孔子曰天之所
覆地之所載世之萬物皆出于地而不出於天則知在
地而不在天也地有靈氣山川有秀氣而無主尸骸有
主而無氣若得山川地氣尸骸骨氣兩下合一不愁不
生有命之人如卯龍庚向未水雷以擊之卯隸震庚亥
未俱納于震震爲雷故擊之又庚龍卯向未水雷亦擊
之卯向巽水爲雷風鼓舞主擊後龍地旣如此有地平
無地平

坤宮天星

易曰坤道順行元亨利牝馬之貞其性柔順陰之收藏
位居西南坤以藏之六子皆包涵而秉時乃方圓卦位
之雙峙是以該造化之全功也時令於秋曰致役乎坤
坤有臣道竭力效用養物無窮純陰代陽而有終始致
役之後必有足而說之者大暑天帝在未太陽居午午
未交會萬物致養易曰致役乎坤處暑天帝到申太陽
在巳申巳交會申未輔坤西南之卦也天星曰位戈又
曰陽戈井宿八星赤居其所在河中主泉水又爲天之
南門日月五星貫之爲中道名曰天井又曰東井主諸

侯帝戚三公之位天之停候水衡發令之所是以聖人以乾爲父坤爲母坤卦六畫皆陰是萬物資生乾卦三畫皆陽爲萬物資始所生六子地理家各有分辨先賢云不知天文焉知地理天文昭于上地理應于下在天論纏舍在地論方位如此得看地之真傳

坤龍法

凡坤龍起祖卓拔如旗如圭如貴人如御屏如玉堂如筭者出脉過峽起伏盤旋到頭結穴者爲龍之上吉其龍不可與未相兼謂之帶煞先賢所忌切宜詳細或行

度佈氣力飽氣旺坐山真正無偏地局端正四山懷抱
砂水全備者爲龍之上格如大小貴人結穴者貴人之
峯一峯低小一峯高大上格龍主出父子兄弟叔姪同
朝中格龍主父子兄弟皆有文名下格龍主小貴中富
旺人丁卽如玉堂金馬結穴者後有御屏前有馬山上
格龍主文章蓋世高科及第中格龍主典大藩侍從下
格龍主壽考多僕從如圭文星之高聳體頂要平正身
要清秀若結穴者上格龍主出正直之人立朝燮理崇
儒中格龍主貴有忠貞文名遠播下格龍主富秀科第

如筭似火卓拔清秀端采結穴者上格龍主出狀元學
士中格龍主翰苑清貴及諫垣之職下格龍主科貢秀
士倉庫滿鄉如金星結者主出科甲富厚木星結者主
翰苑才名尙書侍讀水星結者主清才秀士詩書滿箱
火星如旗結者定主男將女帥如火星尖而利者出狀
元土星結者出巨富千笥萬箱乾龍爲父坤龍爲母乙
納於坤亦爲老母喜見之者猶庚龍遇震辛龍遇巽丙
龍遇艮壬龍遇離丁龍遇兌癸龍遇坎甲龍遇乾乙龍
遇坤此爲納甲龍最喜納甲砂納甲水而遇之自然發

富發貴已二十四龍二十八砂各依坐度分金金木水火土五行消息之則無不准矣 書云位戈行龍兼鬼氣少亡孤寡并尼僧又云龍身帶得四金行寡天尼僧出有因此言坤未二龍同來到頭入首結穴處右邊坤左邊未從縫針正中一邊是未一邊是坤切不可用是以習此道者未得傳授只知瞎絞而不知真竅若論正五行坤屬土未亦屬土乃兄弟也以天星論坤屬井木未屬鬼金來剋木爲煞曜八煞歌云坎龍坤鬼忌見之殊不知未納於震震屬兔未亦屬兔矣故坤未龍不

可並行非但龍不可同行卽坤向不可見未水未向不
可見坤水是謂八煞必主絕丁倒戶行此道者未索其
解如艮寅卯乙巽巳丙午未坤酉辛乾亥壬亥此八者
龍不可相兼水不可同來向亦不可相兼是八煞相見
可謂仇人見面分外氣冲不可不慎
貧衲家陽基離龍入首是丙午並行每五年兩次回祿
可謂殘傷後得道時將入脉處掘作兩段深八尺濶五
尺以洩煞氣又離屋四百步向北起造一門樓立正午
山子向門樓外開一小圓池作明堂是四水歸聚處取

金來生水之義將來日後子孫人興財旺雖不能大富
大貴惟願子孫後日富不上萬貧不討飯足矣哉

江省亦是離龍丙午雙行入脉喜得洋子洲寶塔在乾
王方以制之而若不然火災難免將來日後塔去火盛
必是大患又不如將人脉處右邊午字上掘一大池深
丈餘聚水於池中洩其火氣永保太平

淳化元年庚寅歲五月祔在豐城

家葬令祖令

妣見其陽基乃乾亥雙行龍入首勸其將左邊乾脉掘

去一半留右邊亥脉

曰佳居來龍掘去一半豈不

傷龍倘有差錯將何處之遂不聽將來日後富貴盛旺
時必遭殺戮天地數定不敢多言

申宮天星

易曰申屬西南之陽金納卦於坎地支之九數水土之
長生位時令於秋太陽芒種到申大雪到寅向天帝處
暑到申山天星曰傳送又曰瑤光參宿七星赤居其所
一曰天市一曰天鉞一曰白獸其中橫列四星東北曰
左背主左將西北曰右背主右將東南曰左足主正將
西南曰右足主副將故占參以應七將其中央三小星

掌管權衡書几文簿大小官員將相其星明則風雨調

順五穀豐稔文名昌盛賢集詩書東南曰文

申龍法曰天魁

曰白燭其中魁曰

易曰申乃水土長生之位故傳送一星居其所又得弼
星居傍下照申地爲龍之上吉其龍不可與庚同行謂
之龍身帶曜鬼切宜詳細先賢所忌若得與坤龍同行
真正出脉由乾結穴者定產大富大貴之人如乾龍起
祖入離轉坎龍真局正結穴者主出科甲翰苑官居極
品若坎龍起祖由辰入申結穴者主文武雙全少年發

達如卯龍結穴者申水來必須打申向是化煞爲官若
作別向則絕矣大地來龍必帶煞凡龍遇八煞來就打
八煞向是化煞爲官須看左右二水合局不合局若不
合局切不可打必須詳細如卯龍申水打申向如巽龍
酉水離龍亥水坤龍卯水酉龍巳水艮龍寅水天下那
有此等結地之理言丙龍寅水龍與水亦有相反者如
申龍卯水酉龍巽水亥龍離水卯龍坤水巳龍酉水寅
龍丙水八煞之水乃八卦之官鬼爻相尅者也今只六
卦乾坎二卦怎的不言蓋乾忌馬午屬馬乾龍午水乾

之先天在南午之後天亦在南是先後天相見乾屬陽
午水亦屬陽故不忌坎龍忌辰辰屬龍此後天納卦之
方位眷屬一家申子辰會成水局何忌之有是以此二
龍不爲入煞地理家辨水最是清楚不得混談又不比
卜易而算龍與水只有六卦而易辨可一隅三反行龍
又兼有納甲在內又多一曲折如卯龍不可兼乙乙龍
不可兼卯坤納乙乙卽坤也坤忌卯乙豈不忌卯乎卯
亦忌也古語云狼怕虎虎怕狼兩相仇敵如辰巽巽巳
丙午午丁未坤申庚酉辛戌乾亥亥壬癸丑艮寅甲

卯卯乙此俱不可相兼非但龍不可相兼并水亦不可
雙潮凡龍有兼一二分者則減地福力若是平分謂之
雙行切不可用如有誤犯雙行龍者軍流絞斬四字難
免二子必絕是以行此道必須明師口傳心授看書亦
要一隅三反可矣

庚宮天星

易曰庚屬西方陽金庚納於震爲天干之第七數故卜
易曰震木庚子庚午臨時令仲秋白露八月也天帝司
庚太陽臨甲四月小滿太陽到庚山十月小雪太陽到

甲向天星曰天漢又曰長庚嘴宿三星赤居其所形如
鼎足主天之關又主三軍之令行軍之藏府又主葆旅
收斂萬物明則五穀熟軍儲盈將得勢動而明主賊盜
成羣明而赤主兵多將勇

庚龍法

易曰庚在紫微龍蕙之西一星最明赤者主之傍有二
星下照庚地凡庚龍起祖出丁入巽向震結穴者爲龍
之上吉定產威武權謀之士忠勇果毅之人若艮龍起
祖骨脉分明地局端正四砂全備定主文武全才官居

極品若亥龍起祖由艮入兌出丙結穴者定主科甲翰
苑才名臺省之貴若巽龍起祖庚砂高拱結穴者爲官
清正或出理學壬龍午向庚砂高聳出有名強盜

兌宮天星

易曰兌說也亨利貞位居正西兌以說之而生意各足
於坎通成物之功也能執綱維時令於秋曰說言乎兌
生意各足而權欣流通卽一陰外附收斂以從陽也秋
分天帝到酉太陽在辰酉辰交會庚辛輔兌正秋之令
萬物悅成易曰說言乎兌天星曰陽關又曰陽闔昴宿

七星赤居其所其下五尺爲日月五星之中道天之耳目也主獄事又主口舌奏對又爲旄頭胡星昴天星明明則獄訟平囹圄虛無佞臣天下安泰畢宿八星赤亦居其所主邊兵又主弋獵其星大曰天高又曰邊兵不宜明大天下安泰

兌龍法

兌乃少微垣一星最明下照酉地乃陽闔所居之司爲樞機之府居河洛四龍之貴爲龍上吉之地也凡兌龍起祖由亥入卯骨脉分明地局端正砂水全備爲龍之

上格主產文武全才之士將相分茅之位英雄橫霸之
資如丁龍起祖轉卯入丙出面者局面端正單清過脉
定主富中出貴科甲及第官居臺省如丙龍起祖由丁
入艮正面出者龍虎抱衛主官居極品位列三公若艮
龍起祖向丙結穴者定出神仙

辛宮天星

易曰辛屬西方之陰金納卦於巽爲天干之八數故卜
易曰巽木辛丑外辛未辛干隸巽時令仲秋之末太陽
谷雨到辛山霜降到乙向天帝寒露到辛山天星曰陽

璇又曰太乙胃宿三星赤居其所主文章之府又主圖書之府又主天之厨藏五穀之倉也又主討捕誅殺之事南下五尺爲日月五星之中道其星明大則文名盛賢人出四時和穀盈倉百物多

辛龍法

易曰辛主文章之府在紫微之西天乙貴人之治內有文昌一星下照辛地凡辛龍起祖單清過脉地局端正爲龍之上吉其龍左是酉右是戌不可相兼乃八煞龍也先賢所忌切宜詳細若辛龍起祖由丙入亥向艮結

穴者主出狀元魁首坤龍出脉轉艮結穴者主科甲文
秀大貴之人由巽結穴者主大富主女貴男得貴婦女
得貴夫坎龍起祖與坤龍同如卯龍起祖轉亥入庚結
穴者主出富貴雙全名播華夷富貴奕世

戊宮天星

易曰戊屬陽土西北之界納甲於離爲地支之十有一
數時令季秋太陽清明到戌寒露到辰向天帝霜降到
戌山天星曰河魁又曰文魁婁宿三星赤居其所爲天
之獄主苑牧犧牲供給郊祀又主興兵會衆合聚文墨

之事古之於婁其下九尺爲日月五星之中道其星明

則郊祀得禮文人治世天子加福天下安大臣慶豐年

爨龍法

太淵龍起陸坎寒靈陸起向天龍臥龍起

易曰戌乃文庫上應奎婁二宿爲文章之府天下之士
俱在其中戌爲河魁乃天河之首又爲文魁乃文章之
首中者曰文魁此之謂也奎宿內有一星曰封豕主文
章之府下照戌地凡戌龍起祖骨脉分明地局端正四
砂俱備爲龍之上吉定產理學名士忠臣孝子如乾龍
起祖入坤轉乙結穴者主貴秀富足若離龍由坎入乙

結穴者主巨富如辰龍結者亦然按戌乃東魯兗州分
懸上應奎婁文宿故東周孔聖生焉今我大宋五星聚
奎故天下人文才高北極學富五車實爲我朝之洪福
也俗士不知天星焉知地理俗士只喜亥龍見一亥龍
就言好龍曰天皇龍亥龍丙向夾蛇扞之句可以發福
亦不知寅水來破了陰局犯破軍水上堂定主瘋疾官
事家財不了官事不休可知長生水法是真是假戌龍
得天星之吉氣故凡戌龍行度過峽出脉非大榦龍不
能也俗士見戌龍就說墓龍不吉殊不知禹陵是戌而

